

vnd in dez pfleger tröstung empfahen  
**A**bochtest du do zūmal nyt warlich  
sprechen. **D**ir al die da für gand. me-  
rckend vnd sehend ob eincherley sch-  
merczen. glich sy minem schmerczen.  
**A**ch so erhöcht vñ vbertrift die trau-  
rikeit des herczen vnd mitlydung des  
gemücz. da du hortest dz er vor vbr-  
ger angst syns herczē klagt vñ schrey.  
sich vō synem vater verlassen sin **A**ch  
dz er sprach. mich durst vermeint er in  
sonderheit noch dem heil menschlichs  
geschlechtß. **A**ber als er mit gallen vñ  
essich getrenck wardt. das er redt. Es  
ist volbracht. vermeynt er das groß  
werck menschlicher erlösung. **A**nd in  
denen. in hortest sin sel in dy hend des  
vatters mit krestygem geschrey. mit  
heiserer stim beuelhen/vnd da mit als  
er für vnß synem vater biß in todt ge-